

63a.

# QVÆSTIO MEDICA.

## QVODLIBETARIIS DISPUTATIONIBVS MANE

### DISCVTIENDA IN SCHOLIS MEDICORVM DIE LVNÆ XIX. MENSIS FEBRVARII

#### MAGISTRO VALENTINO HYERAVLME DOCTORE MEDICO MODERATORE.

*An variolis apparentibus sit mittendus sanguis?*

**C**ORPVS humanum in sua conformatione, prima partium suarum stamina ex vtriusque parentis fecundo semine recipit, perfectionem autem & incrementum à solo sanguine menstruo: illud à toto corpore deciduum ab eo vires habet, quas secum transfert in fœtum, vnde nati patris aut matris similes generantur, prout huius aut illius maior est efficacia, vnde firma sanitatis exurgit constitutio, vel magna in morbos propensio: hinc hæreditarij morbi, vt arthritis quæ ob nefandam intemperantiæ luem hoc seculo quàm prioribus multò frequentior & ferocior percipitur: vt elephantiasis quæ congenita vel inueterata nunquam, recens verò difficillimè sanari potest.

**I**S CERVM παρρηγύματα coagmentantur à sanguine menstruo naturâ sua laudabili & solâ quantitate redundante, quem non solum patientis, sed etiam agentis causæ rationem habere censemus: ab hoc vt à semine pendet fœtus bona vel mala, hæc, sic vt qui laudabili nutritur sanguine sanus sit, qui vitioso morbosus, vt sæpe mulieres natos edant morbis obnoxios quibus grauidæ laborarunt, earumque rerum auidos quarum summo desiderio tenebantur: ac licet hic sanguis matris ratione purus sit, respectu fœtus impurus est habendus, atque adeo tam solidæ quàm carnosæ partes eius reliquiis inquinatæ semel expurgari debent, vixque vllus est qui aliquo ætatis suæ tempore variolis non corripitur.

**A**RIOLÆ verò siue αἰσθητὰ sunt pustulæ quæ toto corpore colore albo confertim erumpentes, bilis & pituitæ permissionem præse ferunt: ipso morbi initio corpus vniuersum, maximèque caput ingrauescit, ac plerumque grauissimo dolore afficitur, tument atque illachrymantur oculi, facies inflammata rubet, vox raucescit, respiratio crebrior ac difficilior euadit, pulsus celerior & frequentior, febris index: dein ingrauescente malo, qui intus latuit impurus humor die tertio vel quarto symptomaticè vt plurimum foras profilit, minus quidem periculosè si pustulæ albæ aut rubicundæ apparuerint, magis autem si liuidæ aut nigra: harum causa non est vis abditâ demissa cælitus, sed ex primi alimenti reliquiis intus contracta labes, quæ feruido vel austro cæli statu commota valorem sanguinem ebullientem inficit.

**V**NC temporis summa sunt omnia, ingens ac febrilis calor à nativo specie dissidens totum corpus occupat, magna humorum adest putredo, & sæpe tanta virium oppressio, vt præsentis suffocationis periculum impendat nisi quamprimum remediis conuenientibus occurratur: feruor refrigerantibus & humectantibus extingui debet tum iusculis, tum enematis si alius adstricta fuerit, potus sit non gelida vrin synocha imputri, sed pilana ex hordeo integro, glycyrrhizâ, & oxalidis radice composita: leuius catharticum exhibere licet, vehementius nefas, nisi in declinatione morbi: neque multò tutior est vsus dictamni, gentianæ, cordij, theriacis, similibumve antidotorum, quæ putredinis febrisque causam augent, tantùm abest vt illam reprimere valeant.

**L**VRIMUM conferunt quæ frigore & adstrictione leui, spiritus & humores coercent, cuiusmodi est mali punici, citrij, medici, & vux acerbæ succus, aliaque acida, quæ suo frigore febri, siccitate tætris vaporibus, vtrâque qualitate putredini aduersantur: sed inter omnia venæ sectio primas tenet, hæc enim portionem humoris morbifici naturam opprimentis foras educit, æstuantem calorem citò minuit, corpus perspirabile reddit ac minus putredini obnoxium: prauos humores ab internis partibus ad externas euocat, eaque ratione respirationem liberiores ac faciliorem efficit, in morbis præsertim acutis semper exoptandam.

*Ergo variolis apparentibus est mittendus sanguis.*

97

Propugnabat Lutetiæ IOANNES FAYOLLE Marlenis, Anno R. S. H. M. DC. XXIV.

### DOMINI DOCTORES DISPUTATVRI.



M. IACOBVS COVSINOT.  
M. PETRVS BEAVRAIN.  
M. IOANNES TEXIER.



M. ROBERTVS TVLOÛE.  
M. ANTHONIVS LE RAT.  
M. DIONYSIVS LE SOY.



M. IOANNES DESGORRIS. M. R.  
M. RENATVS CHARTIER. M. R.  
M. ANDREAS DYCHEMIN. Decanus.

